

靈寶度人上經大法卷之三

霜二

靈寶无量度人上經大法卷之三

修誦瓊編品

修誦存思章

玄師曰凡欲誦詠並依神化於靜室中目  
想四方三十二天名色雲炁交沓之中有  
宮觀樓殿天帝衣天色之衣冕服一一分  
明即存神自太皇天為始先叩齒一遍心  
拜訖次太明天三十二過畢即閉目靜思  
三田出玄元始青黃白三色雲炁並如絲  
漸離身雲炁濃厚先交絡一形次纏映所

坐几及席經席无不周徧次翳鬱旋繞一  
室然後出外圍布一方良久冥合天地次  
存青龍出肝立左白虎出肺立右朱雀出  
心在前玄武出腎在後獅子出脾下丹田  
十二隻列於左右想白鶴自腦泥丸出九

霜二

隻圍列四向方存眉後六合宮中有日月  
出自二目去面九寸光照室內洞徹煥明  
次存日月光凝景圍在大椎骨頭之戶頭  
成九色圓象如虹蜺之狀照耀光映十方  
如此分明元始密祝有心祝微祝密祝心

祝則心中神存意祝也微祝則自己可聞  
其聲也密祝口言而已與外人俱不可曉  
其聲也十徧爲一過十過爲一轉誦則下  
聲而誦之詠則朗吟以詠聲十言一嚙津  
百言一啄齒嚙津則養炁而潤澤內宮啄

齒則集真而和神外保不空尸竭神也錯  
一字前覆三十字以誦之越一字再覆五  
十字以誦之十徧一存思終篇可食息凡  
起居移時食畢皆再思如法不可混淆雜  
言心馳他境口不崇於上道高聖至真之

法心不奉於三寶君師父母之文志不敬  
於翠玉華珍寶章形不禮於香火朝修拜  
跪口誦心馳形存志別徒音聲以取聽逞  
捷利以數敷差前訛字輕誦神文何萬徧  
而望駕雲輶雖億數而返沉艷憲徒咎道

霜二

爲虛語豈不知其自致須是受於師匠必  
然誦合天規若萬徧不登太空我道坐招  
譴罪之尤終无仙真之位可證乎受誦之  
子宜勉志焉无犯輕誦輕泄之罪犯之非  
道不慈天有明憲神不敢私

誦詠存念詳式

每遇誦經行持之日先洒掃淨室齋戒身  
心入室東向平坐燒香叩齒十通勿入耳

聞默念

淨口呪

丹朱口神吐穢除氛舌神正倫通命養神  
羅千齒神却邪衛真喉神虎賁炁神引津  
心神丹元令我通真思神鍊液正炁存  
次瞑目靜存東方青龍吐兩合月華白炁  
及腎水如大海中浴洗去五臟穢濁良久

存南方降真火同日精赤炁合於心火燒  
身并道室灰燼並無纖毫煙穢即覺大風  
吹盡塵垢即存丹田內嬰兒自地戶步斗  
登壇默念

淨天地呪

霜二

三

洞中玄虛 晃朗太元 八方威神 使我自然  
靈寶符命 普告九天 乾羅答那 洞罡太玄  
斬妖縛邪 殺鬼萬千 中山神呪 元始玉文  
持誦一遍 却鬼延年 按行五嶽 八海知聞  
魔王束首 侍衛我軒 凶穢消蕩 道炁長存

微吸四方真炁畧吹徧身從東方爲始默  
禮十方東向想丹田內嬰兒默念

開經玄蘊呪

寂寂至无宗

虛峙劫仞阿

豁落洞玄文

誰測此幽遐

一入大乘路

孰計年劫多

不生亦不滅

欲生因蓮華

超陵三界徒

慈心解世羅

真人无上德

世世爲仙家

即自頭誦至飛昇上清次閉目靜思三十  
二天自北維起太皇黃曾天由東及南以

至四方各有八天在青霄之中紫雲之內



金樓玉殿之中東方想在左耳上縫西方  
想在右耳上縫南方額前北方腦後每天  
之中各見天宮樓觀帝君儼然而坐侍衛  
羅列下灌一天之炁如玉霞之暉入我身  
中每到一天先默叩齒一通運心神上聞

一天帝畢心拜一過三十二天周竟次想

上丹田印出青炁中丹田心出白炁下丹

田下出黃炁與外東方青炁西方白炁南

方赤炁自逐方而降混合身中三色之炁

照映滿室我坐其中雲炁洞徹于一身五

臟之間內外翳鬱如坐百寶光中又思肝  
中青炁從左耳出為青龍侍于左肺中白  
炁自右耳出為白虎衛于右心中赤炁從  
頂門出為朱雀導于前腎中黑炁從足出  
為玄武從于後獅子出下丹田躋白鶴出

霜二

四

兩眉之上

額

各六六隻導前玉童玉女侍

經兀案之側羅列左右次存六宮之腑脚

後兩日月自其中出紫赤九芒灌我鼻中

徑入金華宮

腦後

却自紫微玉枕之宮頂

上化生九色圓象如虹蜺之狀光映洞徹

十方聖境想嬰兒在丹田中密呪至无量  
度人即叙誦說之意後誦至元始上帝几  
前畢即引三十二天之炁周竟十方微音  
誦經十過凡引炁時依前自皇曾天爲始  
皆鼻引而嚥之也如東方八天之炁存皈  
肝膽之間其精化生无英公子住於肝中  
南方八天之炁存皈心胞之間其精化生  
司命住於心中西方八天之炁存皈臟腑  
皮慮之間其精化白元尊神住於肺中北  
方八天之炁存皈腎臟骨節之間其精化

桃康君住於臍下

正月行持止六月一同七月行持止九月

一同十月行持止十二月一同

正月是下丹田行持七月是中丹田行持

十月是上丹田行持謂之三田亦曰三宮

霜二

五

升降

正月行持自己嬰兒自丹田中隨三色雲

炁而上下田臍下行持如一

七月行持自己嬰兒自丹田中隨三色雲

炁而上中田心上行持如一

十月行持自己嬰兒自丹田中隨三色雲  
炁而上上田印堂行持如一

誦詠式

皇人曰凡誦經行道須佩真符而行此道  
則萬神敬從矣行道之日者謂應是誦經  
之日皆當沐浴也香湯五香之湯也以白  
芷青木香沉香白檀香甘松香各以二十  
四銖治下篩用東流長泉一石煎數沸先  
當解衣燒香於左就座存日光華五色交  
錯入於五香湯中存五方五色仙童五人

玉女五人燒香散華執巾執水左右即以  
杓攪水三十二下臨水呪曰

五香玄泉 日月華英 澡鍊身形 去濁留清  
尸塵滅落 臟腑光明 穢炁蕩除 胎劫散根  
策空乘虛 飛入上清

沐浴符  
如後

呪畢叩齒三十二通先取飲一器溫涼自  
適次以別器沐浴呪曰

太帝散髮使我長生 左為隱月 右為日根  
今日清鍊百神受恩

呪畢沐髮了擗髮呪曰

日月之華流精泥丸沐養九宮百神忻懽  
尸邪滅落真師下觀賜受神虎得為帝賓  
呪畢結髮浴身又三清諸法及仙人下遊  
有煉尸之素漿桃皮四兩竹葉二兩內白  
淨清虛之物煎湯沐浴勝於其餘雜法所

霜二

六

是青木香阿母大有三奇經云乃玉節之  
清香開塵濁之穢亦曰五香之湯如誠奏  
上玄得以焚之開通塵穢使通霄漢浴訖  
冠帶呪曰

今日吉慶上合帝恩塵穢以清尸魂沉淪

罪垢業厄表裏蕩清呼日吸月步躡九晨  
回旋三台周遊五星佩符散章鳳衣虎裙  
手執玄文誦詠洞靈聲徹太霄五帝回輶  
賜我明書登昇上清

呪畢冠帶如常凡遇服食湯劑仙藥呪日

謹請五方五靈老君召出天醫扁鵲官吏各  
五十人當令臣服藥身得離病病得離身駕  
魁乘罡登昇上天數遊九地命祿俱榮長生  
不死與道合真

呪畢面東服之



凡修此道誦詠玄文舉止庠雅動合威儀  
不若踈麤簡狂鬼神切笑三官司過糾其失  
規故視兆之齋戒科條既言道士者非道  
士之模範不行凡言真人者非真人之規  
不習况學士乎臨食呪曰

霜二

百穀五味流入脾胃 五臟安寧 尸邪亡墜  
七祖安寧 長生久視

天呪訖叩齒三十二通嚥液九過方食食宜  
午時前勿食酉時後臨食勿言死食勿久  
露午前天神食酉後鬼魔哺言死生疾病

久露來邪炁故真人斷穀入山以求升仙

之要臨睡呪曰

天有九星地有九宮  
我有百節萬神相從  
三尺伏藏五臟流通  
三田四肢動息守中  
龍虎八卦侍我瓊容  
鬼妖萬精勿干真官

叩齒二十四通呪訖又叩齒如上凡卧勿  
開口勿尸眠上道衣冠法服器皿勿假人  
服炁守三一誦玄文者尤忌之

臨圓叩齒三通呪曰

左德神右清神左有司士夫人右有六丁辟

穢邪除我死籍上我生名

叩齒三通勿喫唾勿向北勿仰視三光勿

男女混登皆致不祥

出門呪曰

出陰入陽四道開明八神六甲隨我利貞

日月使贊頭帶七星

叩齒七通存七星在頭是星指前

沐浴符

太

太上神水

已

真炁流行

明

陰陽合明

示申

神燭旁靈

淨

穢炁清淨

清

殂落死名

𠄎

安靜三尸

𠄎

久視長生  
與道合并

清淨元辰

沐浴呪曰

念呪三遍  
呵攪水

金醴玉津

澡盥身形

玄水洗穢

清淨元辰

七靈侍衛

萬炁開陳

志慕清虛

列象玄明

正月誦經真符



玉几玄珠



流降心田



百神拱衛



萬聖臨軒




飛梵網輪

霜二



通幽達靈



七月誦經真符

香日

金簡  
龍章

五行  
萬帝設禮

五行  
回旋

度命

度命  
延年

煥映

煥映  
太玄

玉洞

玉洞  
玉房

萬帝設禮

萬帝設禮

十月誦經真符



真元散敷



朗煥九衢



神變帝臺



梵響太虛




周行六合



飛昇仙都

霜二

九



右符一名曰長生久視玉帝寶籙

八節誦經真符



真炁 羅絡



虛象 玄華



三關 通徹



八景 陳敷



與日 合并




得補 真人



已上四符於靖室內青地朱書行持勿與人語修真之士素地丹書長生日西東南火化淨水調服

本命日誦經真符



胎仙 上景



深煉 精神



左命 玉華



右彌 金晨




役靈 使神



常保 利貞





右符名曰神霄玉清仙王降真靈符

焚符誦玉帝呪曰

神靈天真 玉清元真 上清華房 元始老君  
妙入太霞 光耀玄文 七神飛泉 北豐受煙  
我位上王 辟合魔群 八威吐火 肅爾尊神

千千去穢 凶惡不存 萬萬魔王 護命翦形

急急如律令 念玉帝 呪三遍

凡建壇並用灑壇三可

修誦訣驗品

誦二章正經訣

霜二

十一

凡誦經之日於淨室中東向設經案坐具  
次入室背席面東三禮禮畢退身面北就  
席坐炁定即漸漸左轉面東平坐

誦玄蘊呪

呪畢即按手於膝上叩齒三十二通閉目

存三十二天中各見一帝君思念一天名  
心拜一天帝從皇曾天爲始隨日而轉周  
回四方漸漸向上賈奕天總三十二拜形  
雖不動隨心屈伏拜畢即思存身在青黃  
白三色雲炁之中須臾滿室鬱鬱藹藹左  
有青龍右有白虎前有朱雀後有玄武獅  
子六在前兩行相望而坐白鶴之數亦同  
又在獅子之外日月在後明耀室內項生  
九色圓象照徹諸天更覽所存森然在目

默念呪曰

无上玄元太上道君召出臣身中三五功曹

左右官使者侍香金童傳言玉女五帝直符

直日香官各三十二人關啓所言所言者謂天地日月

星辰國主師友祖先自身兆身所祈之事呪至關啓字下當稱之也今日吉慶

清室修行至經无量度人臣及甲乙甲乙者當稱所

願同上即云臣及某人及某事轉經受生願所啓上徹徑御

无上三十二天

元始上帝至尊几前

呪畢徐徐於三十二天之一天引炁一口


嚥之依前法止則開目誦二章經畢南向

下席再禮而退

已上以陳景元義合張萬福訣定此章

### 靜坐圖

五言對



右圖大槩如此但明室內之事不必面南啓戶也

### 誦內音訣

霜二

十二

誦東方六十四字自亶婁阿蒼至四象呀  
員平坐叩齒九通思九色之龍導引前後  
青雲九重覆巾身形默念呪曰

赤明開圖 八炁回真 總炁玄門 青帝大神  
流化九外 纏絡我身 靈音八書 六十四篇

洞明天地與我合仙  
運至龍駕上升帝輶  
呪畢引炁九嚙誦之

誦南方六十四字自南閻洞浮至神纓自  
宮平坐叩齒三通思朱鳳翱翔其方絳雲  
三重覆巾身形默呪曰

霜二

十三

三炁徘徊靈鳳來飛  
玉音八字煥爛紫微  
吉日大慶我道洞開  
朱丹哺飴仰吸靈暉  
身生水火絳帔羽衣  
登空玄步足踐鳳梯

周旋八天七祖相隨  
畢引炁三嚙誦之

誦西方六十四字自刀利禪獸至栢空度  
仙平坐叩齒七通思白虎獅子衛護前後  
素雲七重覆巾身形默呪曰

七炁金靈 八天尊神 白虎策輦 獅子捧轅  
七炁纏絡 鍊我成仙 身發金光 映照素雲  
內外變化 昇入洞門 七祖出夜 九幽旋魂  
億劫開度 隨運長存

呪畢引炁七嚙誦之

誦北方六十四字自攫无自育至幽窅度  
人平坐叩齒五通思飛龍玄武羽蓋蒼鬱

神童玉女羽衣飛裳黑雲五重覆巾身形  
默呪曰

玄天徘徊流景上清大有啓運八字開明  
飛玄澄空洞陰自生五炁纏絡灌我身形  
冠帶北單受鍊洞靈腎府北出內外光精

飛行三界遊宴紫庭七祖同福歡樂劫齡  
七寶林中返胎更生長夜出離南宮記名  
黃籙白簡世世生仙

呪畢引炁五嚙誦之

誦詠科條章



上聖已成真人通玄究微

師曰此條非凡世之人誦詠謂通玄究微  
能悉其章者獲十品功德

至學之士

師曰謂至人學士誦之獲六品功德

霜二

十四

學士

師曰謂世學之士誦之獲三品功德

供養尊禮

師曰謂一切學士行此功德獲五品善功

凡誦是經

師曰亦謂已成真人再言自身功德果報  
萬祖苦爽上昇朱官依朱陵品格九年更  
生受化得為貴人自身功德滿日飛升上  
清金闕許遊宴玉京也

### 上學之士

師曰乃至學也止得自身受度飛升南宮  
不能功及曾祖也

### 世人受誦

師曰止得延壽尸解返形太空一身不獲

上度朱陵之福曾祖難生受化

魔王歌音

師曰百遍名度南宮千遍魔王保迎萬遍  
飛升太空此是三界歌音非餘文也

有聞靈音

師曰心形歸信諦聽誦者獲九品善果

霜二

十五

行是功德

師曰發心修齋燒香誦經者獲二品善果

右別至人

師曰至學之人行是功德克獲為上清後

聖帝君金闕之臣

有知其音

師曰中篇也謂如曉其文功力齊而獲八品福報

此音

師曰中篇之音有辟禳度成四種无量威神之力誦之者獲十品祥應齋金寶效心盟天而傳依玄科四萬劫一傳齋金寶質心依舊格告盟十天然後而付焉

師曰此三條迺傳付受授之條立四萬劫乃舊劫之格自黃帝受圖大禹受符高辛

受天經至太極下教豈有四萬劫也依阿  
母降世新格下教之科四百年一出有其  
人四十年聽再付四百年共不得過七人  
四年有至人亦許一授而三條付授之科  
言二章大法及三品誦經之式也其歌音

中篇別有明憲具玄憲仙格

輕誦身則被殃輕泄漏慢殃及九祖泄慢墮  
地獄禍及七祖翁

師曰此三條統言不齋戒沐浴行香誦經  
者獲被殃之罪若輕易忽科妄泄非人漏

慢玄奧不依年限而私傳或依年限而不  
齋戒盟受漏泄祕禁與非人使輕慢不信  
以玄文皆入中科殃及九祖若泄漏輕慢不  
以為然巧偽求奇評論聖典訾毀玄文竊  
盜天寶皆入此條禍及七祖翁

霜二

十六

### 修誦玄感

師曰誦經欲知其功德合於上玄有一百  
五十一種玄感既有玄感則去仙登空有  
正日若無玄感更宜懺謝端潔一志以玄感

昭應為禎祥

諸天遙唱等十種上聖禎祥

五帝侍衛等六種志學禎祥

伏御地祇等三種學士禎祥

門戶興隆等五種供養禎祥

諸天齊到等十種凡誦者禎祥

皆即受度等二種受誦禎祥

延壽長年等六種世人禎祥

斷地遠役等二種正月誦之禎祥

身得神仙等三種七月誦之禎祥

安鎮國祚等六種十月誦之禎祥

九宮真人等二種本命日誦之禱祥

魂神澄正等十種本命禱祥

閉目靜思等九種入靖禱祥

三五功曹等六種玄局召使禱祥

洞章萬徧等十四種禱祥

天地否終等四種祈禳禱祥

末學道淺等三種太陰煉尸禱祥

天地運終等十種修齋行道禱祥

諸天記名等五種行功禱祥

知音誦之等六種禱祥

霜二

十七





无所不辟等二十種誦者禎祥

盲者目明等十種內誦生元始聖胎禎祥

玉晨君明十徧說經

說經

召十方无極元

量品无缺之眾

十方

境土

天人聽法

應時而驗

五徧	四徧	三徧	二徧	一徧
神東	神北	神西	神南	神東
浮北	浮方	浮方	浮方	浮方
空至	空至	空至	空至	空至
而真	而真	而真	而真	而真
至大	至大	至大	至大	至大

長安	福集	清淨	鬱重	咸行	福空	棄賢	宛利	納善	安太
安世	集鄉	淨世	重野	行世	空淵	賢世	利城	善世	太堂
界	界	界	界	界	界	界	界	界	鄉

一久	皆能	跛病	能言	瘖者	目明	盲者	皆開	聾病
時病	能起	病積	言者	者	明者	者	開聰	耳
復固	起行	積遠						
形疾	行	達						

六徧東南至真大元福鄉用賢世界髮白返黑

七徧西南至真大延福鄉仁靜世界老者返壯

八徧西北至真大福德野延賢世界少者皆強

九徧上方至真大諸天宮闈地藏發泄金玉露形

十徧下方至真大洞淵九壘正行遊梵四皆起成人

誦二章正經驗

正月長齋誦詠是經為上世亡魂斷地遠役

度上南宮七月長齋誦詠是經身得神仙諸

天書名黃錄白簡削死上生十月長齋誦詠

是經為國王帝主君臣父子安鎮國祚保天

長存世世不絕常為人君安鎮其方民稱太  
平八節之日誦詠是經得為九宮真人本命  
之日誦詠是經魂神澄正萬炁長存不經苦  
惱身有光明三界侍衛五帝司迎萬神朝禮  
名書上天功滿德就飛升上清誦之十徧諸  
霜二  
天記名誦之百徧名度南宮誦之千徧魔王  
保迎萬徧道備飛升太空若能遇斯辰依訣  
持誦上消天災保鎮帝王下攘毒害以度兆  
民中拔祖先已身得道可謂巍巍

東方大誦內音驗

之山人天女心音類

東方大梵之音誦之九年八天各以青腰玉  
女青華玉童各八人侍衛身形降致青芽九  
炁之精身生光明徹見虛无萬徧道成飛行  
上清七祖同升  
南方大梵之音誦之三年八天各以丹霞玉  
女太陽玉童各八人侍衛身形降致朱丹三  
炁之精反貌留容萬劫不傾七祖超升上入  
福堂返胎仙家即得更生  
西方大梵之音誦之七年八天各以素靈玉  
童八人侍衛身形降致太素七炁之精停年

留貌萬劫童顏慶及七祖升度南宮返胎更  
生世世神仙

北方大梵之音誦之五年八天各以太元玉  
童八人侍衛身形降致玄滋還年留景保命  
三清福及九玄世世飛升

霜二

十九

四方內音若能依訣持誦則无所不辟无  
所不禳无所不度无所不成飛天下觀上  
帝遙唱萬神朝禮三界侍軒振伏群靈爾  
清十方道備功成臣事三境

靈寶无量度人上經大法卷之三

北

